



**Ioannis Tollenarii Brvgensis e Soc. Iesv Specvlvm
Vanitatis Sive Ecclesiastes Solvta Ligataq. Oratione
Dilvcidatvs**

Tollenaer, Jean de

Antverpiæ, 1635

Metrica Paraphrasis.

[urn:nbn:de:hbz:466:1-68633](https://nbn-resolving.org/urn:nbn:de:hbz:466:1-68633)

mortis, nec finitur quiescere ingruente bello,
neque saluabit impietas impium.

METRICA PARAPHRASIS.

QUAMVIS latentem carceris nostri specu
Lex frænet arcta spiritum,
Carnisque densas corpus obiciat fores,
Ætasque firmet pessulo, &
Robur satelles stipet excubis latus,
Neruoque multiplici liget;
Si fors supremum nuntians vitæ diem
Fatalis insonuit tuba;
Nulla emicantis compede abrupta impetum
Sufflaminare vis potest.
Sic fata poscunt lege fixa adamantinâ,
Auctorque factorum Deus.
Simul urna motum Iudicis nomen citat,
Proferre non patitur diem.
Seu face ab imâ inglorium trahat genus,
Despectus, & capitis minor;
Ceras parentum siue fumosas crepet,
Situque nigra stammata.
Ne mihi tiaras, sceptrâ, regales toros,
Dominosque fasces ingeras.
Mors surda titulos calcat, & cervicibus
Stringit secures Principum:
Nec triste sceptri pondus, aut supercilli,
Fert cymba Tartarei senis:
Nec qui impotenti cuncta dominatu premunt,
Ius ferree dicunt neci.
Vbi nunc superbi Belus imperij caput?
Ninusque sceptro proximus?

Vbi

*Vbi turba Danaï regio imminens toro,
Deuota Diti victima?
Vbi tot fauillis Pergami clari Duces,
Quondam Gradiui fulmina?
Humiles vagantur inter umbrarum greges,
Nec dissidet cineri cinis.
Simul ac farissam mors auernalem vibrat,
Bellumque nuntiat tuba;
Nec in recessu concaui mersum specus
Amica tutatur quies:
Nec si quadrigas scanderis cursu Iouis,
Trabale telum fugeris.
Fræna dracones Colchidis, cælum pete,
Metire cursus Icaris;
Emetientem nubium tractus vagos
Mors sæua præcipitem dabit:
Pennisque vulsis merget inferno lacu,
Prædamque figet æthere.
Si forsan animos impio impietas facit,
Ridetque fatorum minas,
Fas omne suctus ruere petulanti pede,
Legumque casses rumpere,
Ut fila arachnes armiger solet Iouis
Teretesque Marsus aper plagas;
Frustrà proteruus iura conculcat poli,
Seseque palpat improbus.
Nec vis reuellit ferrea casses necis,
Nec alipes vitat fuga.*

PROSA